

TARIKH	10 / 10 / 2012	SEKSYEN	Nasional
MUKA SURAT	24	RUANGAN	SeTempat



FOTO | Muhd Asyraf Sawal

GEMBIRA... Ramlah (kiri) dan Abdul Muin bersyukur dapat ke Tanah Suci.

Menabung puluhan tahun

PETALING JAYA: Sehari selebar benang, lama-lama menjadi kain. Perumpamaan ini sesuai menggambarkan kecekalan sepasang suami isteri menyimpan wang hasil mengusahakan kebun getah mereka demi merealisasikan cita-cita untuk menuaikan haji.

Biarpun tidak mempunyai sebarang bentuk simpanan tetap lain khususnya Kumpulan Wang Simpanan Pekerja (KWSP) kerana sekadar bekerja sendiri, kegigihan mereka menabung se-

lama puluhan tahun akhirnya membawa hasil apabila menerima surat tawaran ke Tanah Suci, Mac lalu.

Selepas sekian lama mendaftar, pasangan terbabit, Abdul Muin Idris, 57, dan Ramlah Malik, 50, bakal mengerjakan ibadat haji pada tahun ini di bawah pengurusan Lembaga Tabung Haji (Tabung Haji).

Menurut Ramlah, dia dan Abdul Muin sudah pun menanam hasrat untuk menuaikan rukun Islam terakhir itu bersama ketika awal per-

kahwinan mereka lagi dan berusaha menyimpan wang hasil menoreh getah.

Katanya, pada mulanya, hanya Abdul Muin menerima surat tawaran bagi mengerjakan ibadat terbabit pada musim haji kali ini sebelum dia kemudian membuat rayuan untuk meneman suaminya itu ke Tanah Suci.

"Alhamdulillah, rayuan saya diterima dan impian kami untuk melaksanakan tanggungjawab ini bersama tercapai," katanya.